

تسی وی اچے تہاڈی ذات وی اچی

تسی اوچے اچ دے رہندے

اسیں قصوری ساڈی ذات قصوری

اسیں وچ قصور دے رہندے

پڑھی نماز تے نیاز نہ سکھیا

تیریاں کس کم پڑھیاں نمازاں

علم پڑھیا تے عمل نہ کیتا

تیریاں کس کم کیتیاں واگاں

نہ کہہ ٹٹھا نہ کہہ والا ٹٹھا

تیریاں کس کم دتیاں نیازاں

بلھے شاہ پتہ تد لگ سی

جدوں چڑی پھسی ہتھ بازاں

بلھے نون سمجھاون آئیاں

بھیناں تے بھرجائیاں

من لے بلھیا ساڈا کہنا

چھڈ دے پلا رائیاں

آل نبی اولاد علی نوں

توں کیوں لیکان لائیاں

جیہڑا سانوں سید سڈے

دوزخ ملن سزائیاں

جو کوئی سانوں رائیں آکھے

بہشتیں پینگھاں پائیاں

رائیں سائیں سبھیں تھائیں

رب دیاں بے پروائیاں

سوہنیاں پرے بٹائیاں نیں تے

کوجھیاں لے گل لائیاں

جے توں لوڑیں باغ بہاراں

چاکر ہوجا رائیاں

بلھے شوہ دی ذات کہہ پچھنایاں

شاكر بو رضائياں